



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

道光癸巳年鐫

怡亭文集

留香書屋藏板

序

怡亭吾未之得見也見其文集如見怡亭蓋東志願行以養其心有學人也其文學韓文公而隱秀澆俗又似李文公歐陽文忠公怡亭建寧人其傳得於梅里者多歟何其文之粹然一出於正詞華才氣之尙悉無以擾之也與其友高雨農書曰行不求勝於人求其平實不悖理文不求有名求其自得用心於內者不計乎其外非有道之言歟比吾與雨農交雨農又千里見訪以其文相論次言四十六歲以前文皆得怡亭刪定自交怡亭而學益進嗚呼吾何不幸而不得見怡亭也讀雨農文有與怡亭並作者比而讀之其清明純固之氣淵懿充積之理皆發於身心吾無以軒輊於其間也聞怡亭濩落以死雨農序其文與其門人廖定掄刻之可以存怡亭矣古之人誦其詩讀其書論其世且欲以意交其人計怡亭卒之年吾已來閩而何其不得一見耶不得與之交而獲其益耶吾於怡亭喟然也謹序其文還當求其詩讀之以竟吾意交之意道光十五年六月富春周凱

怡亭文集

周序

一

序

文者道之華則道其文之質也去質無以爲文猶約之必依夫素焉焉有文而可以離道乎哉然文之於道苟非其自有之雖上窮性命下究事物中明治法學術吾見其爲陳言矣未見其爲道也蓋其存也必實諸已其發也無求名於人其辭與氣之相麗也各識其職中其節焉然後質立而文從謂之文道而稍溢夫質或不足於文又幾得而失之甚矣其難也雖然非爲之難知之也難蓋文與道之判久矣志夫文者方挾其才智色取聲附以求名於世世因而名之繆跡相襲豈復知反於

怡亭文集

高序

質哉其近道之彥又不知所以文之而見於辭氣者亦不求識其職中其節類於孔子之所謂野也故曰知之也難吾友建宣張君怡亭其先余而知者乎君爲人務踐實而遠名蕭然一室與斯文冥契顧不常作亦鮮以示人余嘗獲私其一二嘆其質立而文從真有道之言也遂與定交而彙所作就正於君恆擴所未聞焉君亦以其全示余蓋君之文主於立誠得有餘不敢盡之意故其著者皆充於中而大發於外也豈非難得而可貴者哉謹序而藏之以足吾嚮往之思且以樂言所知云爾道光四年仲春光澤高澍然謹

行畧

先生諱紳字怡亭建宣故諸生也家縣南鄉嶺腰祖積獎父達並處士有隱德先生少慕豪俠之行遇不平必氣折之鄰邨某素苦鄉里浸及先生父父故長者不校先生弗能堪一日遇於縣門猝至庭白狀竟得直某暴爲少戢云年二十三病瘵自分當死遂却藥物棄人事日坐釣近溪旁俯仰忘適一念不萌三閱月而病已自是折節爲儒待人恂恂溫謹無復往時精悍之概矣而見者恬其善氣咸樂親先生謂先生學道人也先生既因病悟學益閉戶不通慶弔肆力詩古文往往造其單

怡亭文集

行畧

微其著淳古冲澹而孕奇氣殆所謂寄至味於淡泊也建宣故多才士朱太史梅崖古文李山人千人詩且名天下後五十年先生繼起遂兼其美邑耆儒李古山山人之族子而受業於太史詩文皆有傳業獨推先生謂與二先正代興云同宗亨甫有雋才詩負重名不可一世獨帖帖執弟子禮於先生謂先生詩當尙友古人不當較量鄉國間也桐城姚合君石甫先生篤友也工古文亦謂先生文視太史猶習之之於昌黎其廣博不及其易良隱厚故非韓所能囿也三人者皆與澍然善知非阿所好者而先生館澍然家八年有作悉授澍然論

次深以三人之言爲然先生爲諸生三十五年僅再鄉試督學沈太常拔置高等當食餽亦讓與人性耽山水而喜獨遊所至流連光景日入忘返嘗浮彭蠡遊漢沔以歸所著益富居恒喜靜坐終日不聞警歎自謂靜時之樂難喻諸人也澍然嘗與先生各數已得失先生則曰諸歆羨心皆斷唯有美當前未能自信然先生居光澤八年跬步不苟室中故無婦其云然者亦可想見先生省治之不欺矣道光己丑應大府聘來省修志居二年有所不能遣爲忌者中傷遽謝去入泰寧天成巖遁跡無人之境以老逾年竟渡落死是時也古山前卒十

怡亭文集

行畧

二

數年石甫已去福建亨甫遠遊澍然亦在千里外視先生殮者唯邵武故人王君臣範及弟莘夫耳二君於先生之至供薪芻糗糧其死市美棺致其喪歸葬建寧兼恤其家可謂有始終古誼君子矣先生卒之二月澍然始克聞喪爲位以哭追憶舊遊窅然喪其負恃而深懼斯道孤危惜後生無所式法也乃一斥不復羣蜚刺天譏彈者猶喑喑未已此歐陽永叔所以嘸歎蘇子美也嗟乎先生之跡有類子美澍然之望不如永叔其何以慰長逝者之魂哉同事仁和陳君扶雅寶山沈君夢塘全椒郭君仲和與先生有相知有不相知僉曰先生於

法可文苑傳今卒矣吾曹之責也嗚呼傳之立猶後日事而存三君子言已足以間執悠悠之口而瞑先生於下地矣爰狀此以爲之概且以著大公之道得行焉先生卒於十二年壬辰七月二十九日有怡亭詩集六卷已刻文集二十卷門人縣學生廖定掄傷先生死而家替獨力任梓事亦不易得也子璧人孫月華光澤高澍然譔

怡亭文集

行畧

三

廖君修甫傳

修甫姓廖氏名定掄吾郡建寧人也同邑熊君藕亭張君嚴山治詩古文有聲皆與余善修甫皆師事之值歲科試藕亭嚴山來郡余與時相過後因得并識

家傳

一

修甫修甫敏達能擇師始事嚴山繼從學藕亭氣度閑雅請業几席前進退步趨惟謹嚴山藕亭皆器之相期許甚厚入邑庠後力治舉子業家故貧為學故益不支不獲已佐人理餼務福

家傳

二

州修甫善心計籌辦精謹人加倚任之由是愈不得學後僅以餼滿為歲貢生顧每與同輩偶攄積抱為追述藕亭嚴山期許之言未嘗不以涸跡市僧不獲自奮志業脫離塵坌重負長者

望為喟然也居省垣十餘年積所得家始小裕友愛兄弟於諸子貧乏者恆分其餘與之生平篤氣誼師嚴山著怡亭詩集怡亭文集若干卷死後其子不克收拾修甫出數百金為付剞劂

氏視李漢之學於昌黎手輯其遺文於身後以傳者古今人豈必不相及耶道光戊戌修甫始以病歸里子國棟已成童入書塾時熊君藕亭家居閉戶著書不復教授生徒矣修甫率其子

家傳

三

造廬請見命仍執贄門下藕亭重卻其誠許之凡從學六年修甫以兩世先後受業敬禮有加焉然自是修甫病益困歲甲辰將館藕亭於家爰近所居宅築書室十餘間甃甃土木之工皆

力疾起視以速其成蓋憂己之病不可知冀及見其子學成名立以庶幾世其業而弗替也孰意室甫就病遂不起噫修甫之志其可哀也已子國棟溫謹肖其父余掌教濰川書院國棟以

家傳

四

太學生來應課余愛其文理通順而又歎修甫之已死使不克卒成其學爲可惜也所築書室雅潔修甫顏曰留香其師藕亭爲之說余校文之暇曾一過焉賜進士出身泉州府教授樵川張冕

拜撰

家傳

五

邑明經廖君獻廷墓誌銘

廖君獻廷沒其子國棟請於張廣文繁露為之傳復以銘墓之文屬予國棟予小門生也而父子實先後師事予故於情誼尤闕切云君諱定掄獻廷其字縣

墓誌

一

治人也少習舉子業事吾友張君怡亭者有年及予館縣中則去怡亭而事予從遊四載相契甚論文講學輒驚為聞所未聞予疑其殆有不足於張君者乃張君沒獻廷出數百金為梓其

詩文集廣爲傳布其篤於師弟子之情蓋如此家故貧佐人理鹽筴數年而家起然不以財自私諸子貧乏輒分與之君生而清癯年近五旬枯瘠骨立以早衰故亟望其子學業之成時予

墓誌

二

年老家居君即命國棟就予家與諸少男並讀閱數年而君遂以病瘠死矣予因是重有感焉予自教授生徒以來於今六十年矣其間以餽滿貢入太學者凡六人而六人者已亡其四君

與焉外此入學食餼與夫得科名者以百十計亦且大半零落屈指城鄉蓋僅有存者門下士如是而凡戚族姻友間盛衰豐約成敗存亡變遷不一之故其可傷感者多矣韓昌黎誌焉少

墓誌

三

監墓自謂年未耄老自始至今未四十年而哭其祖子孫三世矧予六十年間所閱有不止祖子孫三世者今以八十三歲老翁執筆而銘君之墓其感傷又當何如耶君生於乾隆庚戌年

四月念二日歿於道光甲辰年
十一月念五日享年五十有五
配范氏生男國棟幼聰敏文筆
清麗以君早捐背援例太學生
女四人長適庠生徐顯琛之子
增福次適太學生艾觀瀾其二

墓誌

四

幼適人某年月日國棟將葬君
於某山某原予為之銘曰
君雖未仕兮經已明心切教子
兮胡弗待其成拳拳愛我兮謂
予善培植術遠遜乎橐駝兮無
能速桃李之榮幸異香之長留

今過書室而屏營以此銘君之
墓今用以識兩代之交情
勅授修職郎福州府連江縣儒學教
諭友人熊際遇謹譔

墓誌

五

榕城吳大澂鐫

目錄

卷一

訊已賦

懷古人賦

歲暮賦

卷二

治道

克己論

伯父像贊

鄭君像贊

怡亭文集 目錄

高所葑歸隱圖像贊

卷三

雜著

釋思

讀曾子固雜識

惘惑

物感三首

卷四

書王介甫集後

書嚴滄浪集後

書懷古人賦後

書姚石甫心清消息圖後

題藏書目錄冊子

題楊君翔九畫像幅端

跋何厚葑淚花賦

跋張篋仙牡蠣瓶圖

卷五

答友人書

答高雨農書

答丁樸夫書

與雨農求作詩集序書

怡亭文集 目錄

與熊藕亭書

答雨農書

答程玉農先生書

答王春卿書

答雨農書

答高生杞民書

與王春卿書

答王莘夫書

與姚石甫書

卷六

與陳編修恭甫先生書

與家繁露書

再與恭甫先生書

答高如登書

再與何煥奎書

答黃承謙書

答廖生獻廷書

答吳厚園書

答廖生西田書

答煥奎書

怡亭文集 目錄

答高君右渠書

答林中美書

答何煜烜書

卷七

贈高所菴序

魯岡或問序 代

春秋釋經序

春秋會解序

雨農文集序

徐東松文集序

三

第五居士文集序

鷗音集序

敝帚齋詩集序

敝帚齋詩集序 代

藕亭詩集序

鄢墨林遺草序

嫺雲詩草序

寄情草序

伊留樸詩集序

竹外詩集序

怡亭文集 目錄

徐東松詩集序

松寥山人詩集序

裴昶光遺詩序

熊藉亭制義序

高氏支譜序

卷八

廖君秀孚六十壽序 代

程知府玉農先生五十序

林君定遠五十序

陳孺人六十壽序 代

四

張太安人六十壽序

熊藕亭六十壽序

卷九

傅氏學舍記

悔不讀書齋記

攻其惡齋記

抑快軒記

惜陰軒記

惺軒記

惜山樓記

怡亭文集

目錄

青山白雲樓記

蕭然樓記

溉心園記

卷十

山龍龔記

嚴峰記

九仞峰記

遊羅石巖記

記遊

記涂蘊中事

五

梁氏婦記

龍湖溪西諸山記

卷十一

余驥傳

揭韓生傳

徐訓導傳

張自六張自老傳

藍理傳

毛錦生傳

藍鼎元傳

怡亭文集

目錄

上官童子傳

吳華桂傳

卷十二

謝節婦傳

高烈婦傳

朱賢女傳

高貞女傳

黃孺人傳

何氏二孀傳

危烈婦傳

六

卷十三

黃府君祠堂碑

高碧澗先生祭文代

高惠蒼先生祭文代

祭高敬之文

爲危某祭高所葺文

卷十四

先考行述

李古山先生行狀

李實敷哀辭

怡亭文集

目錄

何金門哀詞

七

卷十五

擬從兄友言墓誌銘

陳君墓誌銘

候選州同知何君墓誌銘

伊君墓誌銘

張孺人墓誌銘

伊君墓碣

太學生廖君墓誌銘

太學生王君墓誌銘

卷十六

先祖墓表

勅封文林郎郡學生補亭高公墓表

處士危君墓表

皇清勅授文林郎福鼎訓導高公墓表

清故廩貢生高公墓表

誥授朝議大夫刑部郎中永昌府知府周公墓表

卷十七

福建通誌稿

楊時傳

羅從彥傳

怡亭文集

目錄

李侗傳

游酢傳

范如圭傳

卷十八

福建通誌稿

魏揆之傳

胡安國傳

胡仁傳

胡憲傳

胡憲傳

謝德權傳

八

卷十九 福建通誌稿

黃中美傳

朱震傳

何兌傳

莫表深傳

鄒斐傳

黃中傳

鄒應龍傳

卷二十 福建通誌稿

上官凝傳

怡亭文集 目錄

上官均傳

上官恢傳

上官渙西傳

杜穎傳

杜杲傳

杜庶傳

危昭德傳

九

怡亭文集卷一

建寧張 紳怡亭

訊已賦

嗟予修之不淑兮成一過於迷時愧冥行而戚戚兮憂弗釋而含悲悼已往之莫救兮冀來者猶可追內訊已之所蔽兮由悻直而妄詆行忿悁以介辱兮失和平以自悔何禮門之不入兮曠仁宅之峻宇苟二美之庇躬兮豈侮辱之或取安有基其必擇兮不擇基奚獲安問厥修之孰始兮必敬懼以爲端昧者狂而肆已兮雖處易而得難進輕舟而傲侶兮舞勁楫以逞臆當中流之駭浪兮危一已之孤力左右望莫知措兮颺又烈其不息檣策策之恐聽兮水沉沉之視黑乃大聲而疾呼兮愛欲助而莫得念舊轍之已覆兮慮新迹之仍然疾迴車而避險兮指周行以勉旃愼展駕之始軻兮常目在而視頭

怡亭文集

卷一

懷古人賦

寂寂之思念兮懷古人之聖賢後千載之身兮不奉几而侍筵目恍惚而凝想兮若有覩於吾前形不接而神晤兮儼來會之自天登賓階之頎頎兮挺繼迹而比肩進主人而爲禮兮列序次之秩然義軒辭以遠兮首堯舜而辟旋領禹稷之並集兮又商周之眾聯恭再拜而稽首兮肅待命而退焉忽玉振而金聲兮奏大成之宮懸降東魯之至聖兮從七十子而後先問接踵之更孰兮來孟氏而遂全各有貺而惠我兮小子恐而遷延既少定而愧慕焉願承顏而執鞭

怡亭文集

卷一

二

歲暮賦 并序

予幼之時每歲就里塾之中橫几而讀書視其歲若甚長於春之初及也而望夏則甚遠焉於夏之初及也而望秋則甚遠焉於秋之初及也而望冬則甚遠焉蓋欲歲暮可釋業歸也及予漸長時年十三四習爲制藝或與儕輩斬勝焉予雖口不言而胸中恆自揣度吾固童子也吾他日正長也既冠讀書見古人文行卓然不泯於今世感發覬慕亦欲有所爲又見史傳所載勤敏惜日之士至有爭以分陰者則亦自知感動然是時予年尙少雖頗惕懼而意氣固盛猶未覺其真可惜也荏苒蹉跎以至於今而予漸就衰耳目之聰明手足之強力非復昔時之比不能及於人而後覺其真可惜矣於是恐恐然恆懼時之易失顧不能不失也失而自恨而又自失者屢矣而予之衰每更一歲則衰益甚聰明強力益不及人予之所爲其無成耶其有成耶惕惕予懷作歲暮賦其詞曰

怡亭文集

卷一

三

四運周之有序兮暑既往而寒來及寒來而歲暮兮迅暑促而彌催歲復歲而人已老兮嗟微生之可哀孰有形之不盡兮匪戀形之永久竊微衷之所慕兮顧捫懷而莫有遂幽幽之不憚兮心忤然而恐後冀及時而前

追今何義御之亦走阻遙遙之曩哲兮望前旌而矯首
困短足之躑踈兮喘吁聲之滿口況歲暮之迫景兮氣
肅清而沆瀣勁柯疎之梢森兮響不絕乎霜飈日馳光
而西驚兮度原野之蕭條何虞淵之遽墜兮若有暮而
靡朝感予心之惕惕兮懼草木以同凋

怡亭文集

卷一

四

怡亭文集卷二

建寧張 紳怡亭

治道

有天下者其心無不欲治而豈欲亂哉然天下之治恆
少考之載籍自前世莫不皆然天下則均此天下而治
不治異焉豈無說哉嘗試觀之弈棋弈棋小術也夫苟
其能勝者必非幸也再試之而再勝焉有道存乎耳其
敗者亦非不幸也試之不勝無道焉存乎耳善弈者決
勝於未然不半局而已知者道得也不善弈者反是天
下之治亂猶之乎此得其道則守之若無事而國家又

怡亭文集

卷二

一

安萬民和樂身以尊榮而子孫食其遺利不盡不得其
道則愈爲之置力不已而事亦愈以潰崩至於遂不可
爲也其道安在一曰正君德二曰悉民情三曰審用人
四曰酌古今五曰無怠荒順此五者天下未有不治者
也逆此五者天下未有能治者也何謂正君德將以智
爲可正德乎而智不及察則奈何將以仁爲可正德乎
而仁不能熟則奈何將以勇爲可正德乎而勇不中道
則奈何然而誠慮此則莫若能納諫而改過納諫則不
及察者可旋改而察矣不能熟不中道者可旋改而熟
而中道矣故人主莫善於廓然大度示其下以虛公